

INUIT ATAQATIGIIT

Inatsisartuni



23. april 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka.

Naalackersuisunut apeqqut:

1. Kuannersuarni aatitassarsiorniat (GME) ilumoorpa aasaq manna 2019-mi sissiuqaliorlutik aallartissasut ?
2. GME Kuannersuarni aatitassarsiorniat (GME) ilumoorpa 2021-imi aatitassanik piiallutik aallartissasut ?
3. Savaateqarfiit Kuannersuit eqqaaniittut, tassalu Sermiliup, Tunulliarfiullu sineriaaniittut neriniartitsiviat pujoralammik qanoq kalluarneqassappat ?
4. Narsap eqqaata, kangerluisalu imartaat qanoq sunnerneqassappat ?
5. Savanik toqoraavik qanoq pineqassava ?
6. Narsami inuussutissalerinermik atuarfik Inuili, qanoq pineqassava ?
7. Narsap eqqaani savaateqarfinni, Narsami Qaqortumilu imeqarfinnut qanoq kinguneqassava ?
8. Narsami inuutaasut aatitassarsiorfiup eqqaani nunaqarusunngitsut, nuunnerminni ikiorneqassappat; inissaqarnikkut suliffissaqarnikkullu ?
9. Naalackersuisut allanik sammisamut tunngassutilimmik ilisimatitsissutissaqarpat ?

(Inatsisartuni ilaasortaq Stine Egede, Inuit Ataqatigiit)

Tungavilersuut:

Paasitineqarpunga Narsami GME-mi sulisoq paasissutissanik qulaani taaneqartunik oqariartuuteqarsimasoq, tassalu aasaru GME-meersut tikissasut sissiuqaliorlortutik kiisalu Naalackersuisut nikinngippata 2021-imi aatitassarsiorneq aallartissasoq. Tamanna assut paatsoorutigaara, tassami tusarniaanerit suli pilinngimmata.

Savaateqarfiit qanittumiittut ernumapput, inuussutissarsiutiminnut qanoq kinguneqassanersoq nalugamikku, kiisalu nunaminiiginnarsinnaanerlutik nalornillutik.

Narsami innuttaasut amerlasuut ernumassutigaat aatitassarsiortoqalissappat Nunartik najuinnarsinnaanerlugu. Amerlasuut nuunnissaminnik eqqarsaateqarput. Sumukassallutilli nalullugu. Suliffissaqassanerlutillu ernumagalugu.

Apeqqutitta ullut suliffiusut qulit qaangiutsinnagit akineqarnissaat kissaatigaara.